

## Waraga ya Yühanna ya Eera ya Tafa'da tumma

Tafiiñi Yühanna arigiri waraga ya adhügüngü ya, unngu co kaniisa tammo iini ka tūmmünü oogo a'da “aka mo.” I'i asaasa tö'dö tassa kene kita kungngo. I'i iki a kadu ma kaniisa a'da kaföönyö tumma na Yasu kunggeene ka fiini ma tasaasa ajeene nja ka könö. Adünügü eema eene ma katalaana tanno oroko no na iisini kadu no eene ka tiki a'da Yasu taalo ö'dö ka 'bühülü kada ta ömö'di.

### *Tööjülü*

<sup>1</sup> A'a na tadiifi, nunggu tumma no co aka tammo a Masala ka tagesse oogo mo nja laala tiya oono, neede ka asaasa eege ma timin'da nye'd'de no. Taalo a'a unngodho a'a nungngo nasaasa o'o, a kadu nye'd'de na ussu timin'da no kasaasa o'o.

<sup>2</sup> Kudumma a timin'da tütü kaja ka eedi ya, kara tütü kaja ta'billi.

<sup>3</sup> A türü nja 'bangnga nja ta'diila ndama Masala Pupa nja Yasu Almasihi 'Bii'bala ma Pupa aneene nja angnga ka timin'da nja tasaasa.

### *Timin'da nja tasaasa*

<sup>4</sup> Ka'diila oona eede nadhodho 'do kede ka tuna laala yüüdü öccö ka tunggunu ka fiini ma timin'da, afa ma tiya Pupa ka tadirina angnga ya.

<sup>5</sup> A 'bitingngö, 'badaada eede, nasaasa a'a niimö unngodho küdü, taalo talaana könö afe'de,

talaana na illi kaja no eege kamiini, lakiini a'a nasaasa küdü a'da angnga tafaana ka oona.

<sup>6</sup> Tasaasa eege kungngo, a'da angnga tagungunu ka fiini ma talaana tanno oono, a talaana eege kamiini, afa maada ka taföonyö ka dhidha kungngo, fiini ma tasaasa.

<sup>7</sup> 'Büdhülü ya ticine a kadu ma tiisineene no, taalo kamma a'da Yasu Almasihi öö'dö ka 'büdhülü a tuu'da ma tadü'd'dü. Tatüisineene ya diidi ma Yasu i'i ya miini.

<sup>8</sup> Aaga adinö ko'do amang kada tafa taama linggo tanno ada ka tagalinggo ün'dügüngngö. Lakiini ara aaga ta'duga talingnge naada kadigine.

<sup>9</sup> Ömö'di ya ata'da ka tumma tanno Yasu ko'do itaalo idhi oona ka talaana tanno Almasihi ya, taalo Masala ma taneene nja iini. Ömö'di ya idhi oona ku'bu ka talaana tanno Almasihi, ara taneene nja Pupa nja 'Bii'bala nye'd'de.

<sup>10</sup> Ka ömö'di töccö ka tö'dö a talaana tanno eefe no, aaga fa tamma kini kada ka 'di.

<sup>11</sup> Kudumma ma ömö'di tiya ara tamma kini ya ara toso ka eema ma tatoroko nja iini.

<sup>12</sup> Tumma kungngo eede kadhabbu neede kadarigiri adaga co aaga no, illi a'a niki a'da nüüdhi tikinggi, ara a'a kaala aaga kide ana oona ma a'a, angnga saga tageema angnga tagadhodho.

<sup>13</sup> Laala ya inye tammo üüdü ya Masala ka tagesse eege no kööjülü o'o.

## **Katcha**

### **Katcha-Kadugli-Miri: Katcha (Old Testament)**

copyright © 2020 Wycliffe Bible Translators, Inc.

Language: (Katcha-Kadugli-Miri)

Contributor: ECS Diocese of Khartoum Translation Department

All rights reserved.

2020-11-18

---

PDF generated using Haiola and XeLaTeX on 18 Apr 2025 from source files dated 29 Jan 2022

bc98a4a0-1c85-5c7a-932a-7dcefd213f80